

ORD. X. CONVULVULÆ.

GEN. CONVULVULUS?

35. *Convolvulus?* *solanifolius*, *Prodr. MS.*

*C?* caule volubili, fruticoso: foliis cordatis, ovato-oblongis, acutis, integerrimis, petiolatis; junioribus, ramulis, petiolisque pubescentibus: pedunculis axillaribus, solitariis, petiolo longioribus, apice sub-trifloris, pedicellisque elongatis, nudis: calycibus ovalibus, obtusiusculis; . . . . .

Hab. in Maderæ rupibus. Rariss.

Corollam nondum vidi.

ORD. XI. SAPOTEÆ.

GEN. SIDEROXYLON, *Spr.*

36. *Sideroxylon Mermulana*, *Prodr. MS.* "*Mermulana*," incolarum.

*S. inerme*: foliis obovatis, obtusis, spathulatis, integerrimis, coriaceis, nervosis, lucidis, utrinque glaberrimis: pedunculis unifloris, ad axillas aggregatis, brevibus, calycibusque velutinis.

*Sideroxylon Mermulano*, *Herb. Banks.!*

Hab. in rupibus, præsertim maritimis, Maderæ.

Frutex, vel sub-arboreum. Flores parvi, pallidè carnei. Fructus ruber, edulis.

Nomen "*Mermulana*" in Canariis plantæ distinctissimæ, sed quoad habitum simillimæ, sc. *Myrsinei canariensi*, impositum scribit amicus P. B. Webb, arm.

ORD. XII. COMPOSITÆ.

\* CICHORACEÆ.

GEN. SONCHUS, *Linn., Spr.*

37. *Sonchus ustulatus*, *Prodr. MS.*

*S. glaberrimus*: caulibus simplicibus, brevissimis, herbaceis, basi sub-lignosis: foliis radiatim confertis, decursivè runcinato-pinnatis, sub-

carnosis, rigidis, subtus præsertim inter venas pulchrè glaucescentibus; foliolis acutis, angulatis, sub-integerrimis vel dentibus sparsis, raris, minutis, callosis: scapi terminalis, aphylli, pauciflori, ramis raris, divaricatis, solidis, pedunculisque 1-floris, suprâ incrassatis, paniculatis, nudis; squamis anthodii purpureo-nigricantibus, adpressissimis, latis.

*S. hyoserifolius*, (Hornem:) *Spr?*

*a. angustifolia*; foliolis angustis, confertis, acuminatis, margine posteriore sub-integerrimo.

*Sonchus dentatus*, *Herb. Banks?*

*β. latifolia*: foliolis majoribus, latioribus, distantibus, angulatis, utrinque denticulatis: foliis suprâ vix glaucescentibus, profundius incis.

“*Sonchus squarrosus β*” (lineâ atramenti per medium verborum *squarrosus β* ductâ, et “*fruticosus*” suprâ scripto) “et MSS. differt paniculâ dichotomâ—planta minor. Madera Fr. Masson.” *Herb. Banks!*

Hab. in rupibus maritimis aridis Maderæ.

*β* (vix var.) est status potiùs è solo vel humidiorè vel magis umbrato ortus.

De *Soncho hyoseridifolio* huc ritè referendo, suspensus hæreo. Characteres ferè iidem; nisi quòd illa inter “*fruticosos*” numeratur, cùm nostra planta certissimè “*herbaceis*” releganda est. An descriptio cl. Sprengelii à specimine manco, (sc. sine radice desiccato), in herbario servato, (quale est forsan *Sonchus dentatus Herb. Banks.*), factitata; ideoque erronea? Nam in tali, caulis casu forsan quodam lignosus evadere posset: specimine tùm speciem ramuli fruticis cujusdam ramosæ omninò præbente.

*S. dentatus Herb. Banks.* in omnibus nisi caule lignoso cum varietate *a.* nostrâ convenire videtur. Sed, cùm præter hoc, alia exstant specimina in *Herb. Banks.*, ad *β.* nostram certissimè pertinentia, quæ à cl. Solandro ad alteram (quamvis revera distinctissimam et longè alienam) speciem (*S. squarrosus*) referuntur, ideoque à *S.* suo *dentato* planè distinguuntur, impensiùs suspicandum est hunc *S. dentatum* à